

De Morte & Amore.



Errabat socio Mors iuncta Cupidine, secum
 Mors pharetras, paruus tela gerebat Amor.
 Diuertere simul, simul una & nocte cubarunt,
 Cecus Amor, Mors hoc tempore caeca fuit.
 Alter enim alterius malè prouida spicula sumpsit,
 Mors aurata, tenet ossea tela puer.
 Debuit inde senex qui nunc Acheronticus esse,
 Ecce amat, & capiti florea ferta parat.
 Ast ego mutato quia Amor me perculit arcu,
 Deficio, iniiciunt & mihi fata manum.
 Parce puer, Mors signa tenens uictricia parce,
 Fac ego amem, subeat fac Acheronta senex.